

什邡縣志卷二十七

寺觀志

萬壽寺治城東南康熙二十七年建奉

聖位龍亭每逢朝賀官員於此列班行禮內有鐵鑄古

佛像五尊韋馱一尊老君像一尊

真武宮縣城北街康熙三十七年邑令俞曰都捐俸

修建有舊鑄祖師鐵像一尊

玉清宮署東南文華街東康熙戊子年建陝西福神

祠西向

什邡縣志

卷二十七

寺觀

真君廟在玉清宮南康熙五十一年建江西福神祠

西向

真慶宮在真君廟南雍正三年建湖廣福神祠西向

高登寺治城外東南隅雍正八年僧能慧募建

羅漢寺治城北里許係馬祖道場唐中宗景龍三年

勅建萬歷間庠生葛登名捐金於寺右建馬祖殿

舉人徐應聘捐金創修大悲閣鑄馬祖銅像明季

焚燬

國朝順治庚子祖嫡派遠孫雲林訪祖原籍至什探其

舊址叩遺像於荆棘中苦行重修先後落成豎有碑記前古柏數十餘株大皆合抱邑中蘭若之勝惟此爲最成都知府冀應熊爲題羅漢寺三大字額乾隆丁未寺僧月容嗣法禮汀得南宋乾明院羅漢尊號碑記募衆重修前殿山門及兩廊裝塑五百阿羅漢像自乾隆五十三年起至嘉慶六年止功乃竣自是羅漢寺名實兩符

東嶽行宮治東一里康熙二十三年邑人募建

川主廟治西關外雍正三年募建北向

什邡縣志

卷二十七

寺觀

二

南華宮治西關外乾隆十三年建廣東福神祠南向

觀音堂治北郭外康熙三十一年邑人募建

觀音寺治西十里康熙二十六年邑令胡之鴻捐俸助建有明成化十一年鐵鑄古佛四尊乾隆五十八年僧覺維重修

五聖祠治北郭外雍正十二年邑人募建

彬山寺治西十里康熙年間僧常淨僧二依開建乾隆三十七年僧月含重建

大穀花寺治東十二里明正德間開建後遭兵燹獨

存大殿兩重古柏一株康熙二十五年補修
穀花寺治西十里邑監生李霖重建

慧劍寺治東十里唐波崙禪師建因寺正殿中有慧
劍井故名宋淳熙十六年邑宦淳于震建應夢樓
於殿前溪橋上邑人李時春有記明季獻賊屠蜀
所過寺觀盡燬惟此殿數重賊不敢焚

國朝康熙九年僧舌響嗣法圓省補修

洪山寺治北二十里明成化七年創修乾隆十二年
里人募眾復建

迴龍寺治南十里在迴龍橋側乾隆辛未知縣史進
爵率邑士民公建以鎮通邑水口寺前有迴龍塔
舊址

水月庵治東十里舊名董家庵明萬歷間建康熙二
十二年僧純一重修三十三年僧靈芳補修邑令
胡之鴻勸農至此改名水月

鄧家庵治西三十里係城隍祠別刹

上泉寺治東二十里石亭江岸之北明成化二十年
創修後燬康熙二十二年復建

萬善寺治南八里卽陳家觀萬曆十一年建雍正十
年僧具達復修乾隆二年寺僧實滿詣嘉興楞嚴
寺請三藏全典二百八十套募衆建閣藏之更名
萬善

吳家庵治南八里明成化元年創建古殿猶存乾隆
十年募衆補修

梁家寺治南十里旁有大塚俗名大墳壩明邑鄉宦
粵東按察使梁某家廟

國初什漢爭界廟碑墓碑毀滅無餘知縣史進爵立

什漢縣志

卷二十七

寺觀

四

有界碑

聖壽寺治西二十里宋淳熙中水觀禪師開建寺前
有映月泉明天順間僧惟鶯補修尋燬後殿獨存
雍正六年僧觀燦重修

東獄廟治西二十里何家場明崇禎六年邑人牛維
新施宅爲庵徐堯等捐資培修尋燬惟東獄古殿
存康熙四十年僧圓貞重建

南陽寺治西二十三里近古南陽城蹟史志寺旁有南
陽泉爲隋蜀王香刹有宋碑尙存康熙二十

僧西瞿募重建碑記載
藝文

寶月寺治西二十五里古名勝音寺明萬歷二十六年僧相真惠頂開建後燬康熙六年僧魯宗重修更名寶月

妙音寺治北十三里康熙六十年建乾隆二十九年僧性念重建

龍泉寺治北八里因寺側有九龍泉故名康熙五十四年建乾隆丙申僧大能重修一名掛鐘樓

興賢院舊名慈母寺謬傳為目連事跡故名治西三

什邡縣志 卷二十七 寺觀 五

十里慈母山頂上乾隆十三年邑令史進爵以事近怪誕改慈母山為巢鳳山寺為興賢院有記見藝文二十七年僧若燦碧文補修

慈雲庵治西二十八里今廢

慶雲觀治西二十里明鄉宦李之珍有記今缺

馬祖寺治北二十里馬祖故居明萬歷三十九年開建見古鐘記

國朝乾隆十四年募眾重建

靈感寺治北三十里白魚鋪西岸中塑觀音大士七

淳熙初白魚常爲水患衆祀之稍已故名明嘉靖三十二年僧道綸隆果補修康熙丁巳僧如會重建

三泉寺治之四十里其地有上泉中泉下泉故名建自元大定間明嘉靖十四年勅賜三泉禪院

龍居寺治西五十二里明成化間建古殿猶存寺前里許石壁如截高十餘丈瀑布分流狀若奔虹壁刻雙峽飛龍四字係明蜀香火康熙年間有僧明中字匡國住此坐叅十餘年苦行六七年足不亂步語不輕發人不妄接依舊址興修功將過半遭晚不果臨行畱偈有法消緣盡可行時之句人多之

淨上寺治北六十里九峯山明成化間邑人諸常施山場僧慧祥開建舊存塔一大釜二大鐵罐一今罐在下院寺康熙年間重建

白雲庵治北五十里高景關外邑庠生孫延嘏捨山場修建

山林泉寺在九峯山之陽寺前有泉清冽異常

下院寺即淨土寺脚庵治北五十里順治間僧無爲
建僧嗣法號鼎子倡教江南嗣孫元度於康熙年
間來朝祖掃塔

太平寺治北四十里明正統六年建雍正二年僧遠
朗重修內有古羅漢松一株

藥師院治北二十里康熙三十五年僧靈澤清泉全
建乾隆四十二年僧大崑補修

迴頭寺治北十里崇禎五年漢州知州謝奇舉先任
什邡行取山西道監察御史因內選置田於茲故

什邡縣志

卷二十七

寺觀

七

名

大郎廟治北五十里太蓬山之陽明嘉靖八年開建
蜀太守李冰神祠見唐書地理志邑人馬上有記
本大王廟訛呼爲大郎廟

國朝康熙三十年里人募衆重建今每年開堰時上下
受灌里人纍纍祭獻以當春祈六月二十四日農
隙及秋成報賽更甚數千年下功德猶在人心不
輟

永寧寺治北七十里明高僧明本開建正德戊辰中

憲大夫廣漢胡崙撰師實跡塔記甚詳

夫子院治北六十里在高景關內湍底河南岸古名雪門寺因二程夫子講易於此故名詳見古蹟

白鹿寺治北九十里鑄鐵鹿一明時明本駐錫瑩山白鹿引導卽此故名

佛光寺治北一百二十里八步坎內明天順間僧潔空建有碑記

興隆寺治北五十里原名興開寺在高景關內梅子樹山頸上乾隆十二年衆議此寺有礙通縣風脈

什邡縣志

卷二十七

寺觀

八

寺會首尹崇德楊躍龍劉善舜移修於朱家橋側金相寺治北五十五里湧泉山下明成化年間開建有鐵鑄觀音像一尊銅鑄彌陀像一尊康熙三十二年僧明天重建太子太保戶部尙書遂寧張公諱烺題額衢燭海航嘉慶十四年僧大崙自行補修

東嶽廟治西二十里馬脚鎮街北康熙三十九年建觀音閣治西二十里馬脚鎮街南雍正八年建乾隆四十一年僧照月補修

漢帝宮治西二十里馬脚鎮街西中有井名馬脚井
傳昭烈帝入蜀經此夜墜井中馬韁引之得出故
建廟祀之久廢康熙三十三年川陝二省客民訪
得舊址復修

玉皇觀治南十里明邑庠生李大經建修

羅真觀治東十五里界連漢州乾隆元年重建

土產寺治西二十五里古名護國寺明季燬滅乾隆
八年僧自囚訪得舊址復建更名土產

永福庵在高景關西二十里湍底河側乾隆十二年

瑩華山僧仁讓嗣法慧青重修

鎮江閣治北楊場鎮上楊柳橋之北邑民吳相富募
建以鎮水口乾隆九年大水橋閣俱圯邑庠米有
年募衆復修乾隆丁卯大水橋傾而閣存

新興寺治西二十里乾隆十八年里人謝時俊之嗣
捨宅爲庵施田畝延僧光燦焚獻乾隆五十九年
僧普瑞重建

天齊宮治西二十里雙鳧渡上岸乾隆八年邑人募
建

壽尊寺治西二十五里仙女洞前左明天順元年僧如潮建見古碑記乾隆己酉水推寺後基址僧寂淵移至洞右數武培修

五龍寺治西三十里康熙四十八年姚姓施宅基僧蒼崑開建乾隆四十九年僧智叅重建

大才寺治西十二里僧一峯開建雍正十二年僧觀燦重建

東嶽廟治北二十里康熙三十二年楊淳捐修三教堂治西五里明嘉靖二十五年創修有鐵鑄三

什邡縣志

卷二十七

寺觀

十

教像三尊康熙壬辰邑令李允符重建乾隆甲子奉文移

至聖像於夫子樓嘉慶丁卯道人李復洪重建

黃泥庵治北三十里明萬歷三十九年建見古鐘記有鐵鑄古佛一尊雍正十年李作樑李作棟重建

頓教寺治北三十里明崇禎四年建見古鐘記雍正十二年僧寂慶募修

三聖寺治北五十五里明宏治間建見古鐘記康熙六十年僧天培捐修乾隆四十六年僧大徹重建

小九峯治北六十里明初開建年代無稽康熙八年重修

岳家庵治北三十五里明嘉靖戊寅岳登奇建

土主廟治東一里乾隆五十年募修有鐵五顯像一尊明天啟年間鑄

淨安寺治北十里明嘉靖三十二年白志富白志忠侯文宣侯文軒等建嘉慶元年重修

關廟子治東十五里石亭江側明崇禎二年建後獻賊屠蜀至此神顯靈異保護數十餘家至今古像

巍然春秋祭賽不絕

八角廟治西十五里有基無廟乾隆四十六年歲旱衆於此設壇祈雨隨應因復建廟五十三年僧覺維募衆增修

韋家庵治南六里舊名古佛寺後燬雍正三年里人樊奇於頽垣中掘出鐵燃燈古佛一尊復建

白蠟廟治北三十里康熙三十九年募建邑舉人唐靜有記

樂庵治南十里康熙丁亥楚民覃在忠乏嗣捨宅

爲庵施有田畝延僧雪峯焚獻乾隆丙寅僧覺維
重修嘉慶六年有漢州新繁覃姓人來庵冒認宗
祠寺僧具稟案存

永護寺治北二十五里雍正三年里人募建嘉慶十
二年僧靜曇重修

白衣庵治西二十里雍正三年里人喬秀喬嵩創建
並施田畝以作焚獻之資

常樂院治北二十八里雍正十三年袁魁捐修

四經殿治東十里慧劍寺側康熙九年僧舌響開建

什邡縣志

卷二十七

寺觀

十一

雍正十三年增修前殿乾隆六年培修

梓潼宮治北二十里雍正二年募建

天臺寺治西二十五里康熙辛卯僧碧昇碧玉開建
乾隆二年住持僧玉燦重修

興隆寺治西二十三里漢什接界處

大悲寺治西二十二里康熙二十四年建乾隆二十
八年僧宇泰募衆增修嘉慶六年僧宙璉募衆重
修

五顯廟治西二十五里年代無稽古殿三間猶存中

有鐵鑄五顯神像一尊獻賊火焚不敝康熙乙丑
里人補建乾隆四十年道人歐陽春募眾重建
龐家寺治南九里雍正元年里人募建乾隆四十四
年僧順吉捐貲重建